

furfum ad ventriculum, cor & cerebrum repente, quotidie per interval-
la recurrente, erat suspicio à corruptis humoribus in mesenterii venis delitescens, exoriri vapores effluantes ad illas partes, eas vellicantes. Cum meum expetiisset consilium, ad vitiosos humores eliminandos, præscripsi primò pilulas, post vinum med. laxat. at sine profectu, quin symptomata perseverarent in pristino statu, cum animadverterem purgantia parum proficua, ratus, adesse quandam *δυσκολλησις* viscerum concoctioni inservientium, contra-

cta à potu cerevisiæ illic consueto, ad illam corrigendam.

℞. Sp. aromat. caryo. diagal. dianif. diaxyl. a. ʒʒ. diamb. ʒij. sac. fini. ʒij. f. Tr. Manè & vesperi cochl. cum crusta panis tosti vino generoso, vel malvatico imbuti.

Liber ac inanimis à tantâ molestiâ evasit. Exin luculentum capiendum exemplum, plerosque morbos solis pharmacis purgantibus non cedere, *νὴ κακοπραγία* viscerum interiorum, quorum culpa humores vitiosi generantur, emendari queat, omnem Medici conatum esse irritum.

De Passione cholericâ funesta,

OBSERVAT.

Illust. ac Generosi Dn. Leopoldi ab *Herberstein* / Generosâ conjunx Baronissâ de *Madrus* / 60. excedens annum, in metropoli *Judenburgensi* superioris *Styriæ*, suum habens domicilium, cholericâ passione gravissimis symptomatis stipata decubuit, viridi ac virulentâ bile in tantâ copiâ deorsum, sed inprimis sursum per os re cta, ut admirationi, ubi tam ingens saburra vitiosorum humorum reservata, dum Natura pravâ eorum qualitate extimulata, ad excretionem, conjectura oborta, totam mesenterii regionem, iis farctam ac repletam, nec à ratio-

ne alienum, quin ex totius corporis venis confluerint etiam humores corrupti, ob debilitatem facultatis reentricis. Consimilem casum commiseratione dignum, observare mihi antea non contigit. Ego cum alio quodam Medico Italo in subsidium accersitus, etsi pro nostris viribus Naturæ periclitanti, suppetias ferre, in propulsando tam gravi morbo, anniteremur, sed instante fatali vitæ termino nostra opera erat frustranea, quin Ill. ægra, relicto terreno hoc domicilio, demigrare coacta, in ædes superas à cœlesti Janitore reserandas.